



**PROGRAM RADA**

**AGENCIJE ZA PREVENCIJU KORUPCIJE I  
KOORDINACIJU BOBE PROTIV KORUPCIJE  
ZA 2021. GODINU**

*Istočno Sarajevo, oktobar 2020. godine*

## Sadržaj

1) UVOD .....	3
2) PLANIRANE AKTIVNOSTI AGENCIJE U 2021. GODINI PO ORGANIZACIONIM JEDINICAMA.....	4
a) Sektor za koordinaciju borbe protiv korupcije .....	4
b) Sektor za prevenciju korupcije.....	5
c) Sektor za pravne, kadrovske, opće i finansijsko-materijalne poslove .....	6
d) Odjeljenje za sukob interesa / Ured Komisije za odlučivanje o sukobu interesa .....	7
e) Odjeljenje za podršku .....	7
3) PROGRAMSKI CILJEVI ZA 2021 GODINU.....	8
4) TABELARNI PREGLED PROGRAMSKIH CILJEVA ZA 2021. GODINU.....	9

## 1) UVOD

Agencija za prevenciju korupcije i koordinaciju borbe protiv korupcije (u daljem tekstu: Agencija) osnovana je Zakonom o Agenciji za prevenciju korupcije i koordinaciju borbe protiv korupcije („Službeni glasnik BiH“ broj: 103/09 i 58/13) (u daljem tekstu: Zakon o Agenciji) kao nezavisna i samostalna upravna organizacija koja za svoj rad odgovara Parlamentarnoj skupštini Bosne i Hercegovine. Agencija je osnovana s ciljem prevencije uticaja korupcije na razvoj demokratije i poštivanja osnovnih ljudskih prava i sloboda, kao i sprječavanja uticaja na podrivanje ekonomskog i privrednog razvoja Bosne i Hercegovine, te u cilju koordinacije borbe protiv korupcije.

U 2021. godini Agencija će pored ispunjavanja zakonom propisanih nadležnosti, fokus svog djelovanja staviti na pravovremenu pripremu u vezi sa efikasnom koordinacijom i implementacijom Strategije za borbu protiv korupcije za period 2020-2024. godina i pratećeg Akcionog plana po usvajanju ovih strateških antikorupcijskih dokumenata. Nadalje, posebna pažnja biće posvećena iniciranju novog ciklusa kreiranja Smjernica za izradu planova borbe protiv korupcije i koordinirati proces donošenja pojedinačnih planova za borbu protiv korupcije, pružanju stručne podrške i pomoći procesu daljnjeg normativnog pozicioniranja i profesionalnog profiliranja tijelima za sprječavanje korupcije na svim nivoima vlasti u BiH, jačanju njihovih kapaciteta i novom ciklusu strateškog planiranja na nižim nivoima vlasti u BiH, nastavak aktivnosti na uspostavi efikasnog sistema za postupanje po podnescima sa indicijama koruptivnog ponašanja kao i aktivnosti usmjerene na efikasnu provedbu Zakona o zaštiti lica koja prijavljuju korupciju u institucijama BiH te stručna podrška razvoju efikasne zaštite prijavitelja korupcije na svim nivoima vlasti u BiH.

U narednom periodu Agencija će nastaviti sa pružanjem podrške na izradi planova integriteta u javnim institucijama na svim nivoima vlasti u Bosni i Hercegovini, javnim preduzećima i privatnom sektoru, njihovoj provedbi i inoviranju mehanizama za praćenje implementacije mjera predviđenih planovima integriteta. Agencija će nastaviti pratiti efekte primjene zakona i podzakonskih akata iz oblasti prevencije korupcije, iniciranje aktivnosti u vezi sa izmjenama i dopunama postojećih zakonskih rješenja, te davanje mišljenja na nacрте zakona u skladu sa Jedinstvenim pravilima za izradu pravnih propisa u institucijama BiH.

Takođe, nastaviće sa aktivnostima usmjerenim na nastavak „digitalizacije antikorupcije“ kroz pripremu idejnog rješenja unificiranja aplikativnih rješenja posvećenih prijavi korupcije i zaštiti prijavitelja, digitalizaciju procesa izrade planova integriteta i izvještavanja o njihovom provođenju (razvojem i puštanjem u rad CRA aplikacije) kao i proaktivnom monitoringu provedbe strateških antikorupcijskih dokumenata u BiH.

Agencija će nastaviti unaprjeđivati transparentnosti u svom radu, posebno kada je riječ o dostupnosti sadržaja na web stranici, Nadalje Agencija planira poduzeti korake na provođenju projekta „ Izrada i provedba istraživanja zadovoljstva korisnika uslugama Agencije“ u saradnji sa PARKO i INFOHOUSE.

Kada je u pitanju međunarodna i regionalna saradnja u 2021 godini Agencija će nastaviti aktivno participirati u koordinaciji međunarodne i regionalne saradnje, kao i saradnje sa organizacijama civilnog društva koje djeluju u oblasti antikorupcije u BiH, te provedbi preporuka iz Izvršnog sažetka o implementaciji Konvencije Ujedinjenih naroda protiv korupcije (UNCAC) u BiH. Nadalje će se ulagat dalji naponi na ispunjavanju 14 ključnih preporuka iz Mišljenja Evropske komisije, a koje se odnose na djelokrug ove institucije. Agencija će raditi na razvoju edukativnih programa. Također, bavit će se prikupljanjem i analizom statističkih podataka iz oblasti prevencije korupcije, te poduzimanju aktivnosti u vezi podizanja javne svijesti o štetnosti korupcije.

U cilju adekvatnog odgovora na sve poslove i zadatke koji pred njom stoje, Agencija će svoje djelovanje usmjeriti na jačanje svog položaja kao institucije BiH koja adekvatno, pravovremeno, profesionalno i zakonito ispunjava svoje nadležnosti uz uključenost i saradnju, kako domaćih i međunarodnih institucija, tako i organizacija civilnog društva, akademske zajednice i medija u BiH koje djeluju u oblasti antikorupcije.

## **2) PLANIRANE AKTIVNOSTI AGENCIJE U 2021. GODINI PO ORGANIZACIONIM JEDINICAMA**

### **a) Sektor za koordinaciju borbe protiv korupcije**

Sektor za koordinaciju borbe protiv korupcije će i u 2021. godini fokus svog djelovanja staviti na pravovremenu pripremu u vezi sa efikasnom koordinacijom i implementacijom Strategije za borbu protiv korupcije za period 2020-2024. godina i pratećeg Akcionog plana ukoliko ovi dokumenti budu usvojeni. Pored navedenog, posebna pažnja biće posvećena pružanju stručne podrške i pomoći procesu daljnjeg normativnog pozicioniranja i profesionalnog profiliranja tijela za sprječavanje korupcije na svim nivoima vlasti u BiH, kao i jačanju njihovih kapaciteta i novom ciklusu strateškog planiranja na nižim nivoima vlasti u BiH. Biće iniciran novi ciklus kreiranja Smjernica za izradu planova borbe protiv korupcije i koordinirati će se u skladu sa njima proces donošenja pojedinačnih planova za borbu protiv korupcije i prikupljanje informacija u vezi sa njihovom implementacijom na nivou institucija BiH.

Biti će nastavljene i aktivnosti na uspostavi efikasnog sistema za postupanje po podnescima sa indicijama koruptivnog ponašanja te aktivnosti usmjerene na efikasnu provedbu Zakona o zaštiti lica koja prijavljuju korupciju u institucijama BiH kao i stručna podrška razvoju efikasne zaštite prijavitelja korupcije na svim nivoima vlasti u BiH. U tom smislu poseban fokus će biti stavljen na nastavak „digitalizacije antikorupcije“ kroz pripremu i unificiranje aplikativnih rješenja posvećenih prijavi korupcije i zaštiti prijavitelja, kao i proaktivnom monitoringu provedbe strateških antikorupcijskih dokumenata u BiH. Sektor će aktivno participirati u koordinaciji međunarodne i regionalne saradnje Agencije, kao i saradnje sa organizacijama civilnog društva koje djeluju u oblasti antikorupcije u BiH, a posebno kroz jačanje sinergije vladinog i nevladinog sektora u provedbi preporuka iz

Izvršnog sažetka o implementaciji Konvencije Ujedinjenih naroda protiv korupcije (UNCAC) u BiH.

S tim u vezi, Sektor za koordinaciju borbe protiv korupcije biti će fokusiran na provedbu sljedećih programskih ciljeva:

- Stručna podrška i pomoć daljnjem normativnom pozicioniranju tijela za sprječavanje korupcije na svim nivoima vlasti u BiH uz jačanje njihovih kapaciteta;
- Pravovremena priprema u vezi sa efikasnom koordinacijom i implementacijom specifičnih mjera i aktivnosti iz nadležnosti Sektora i osiguranje efikasnog monitoringa provedbe Strategije za borbu protiv korupcije 2020-2024. i pratećeg Akcionog plana ukoliko ovi dokumenti budu usvojeni od strane VM BiH;
- Uspostava sistema za efikasno postupanje po podnescima sa indicijama koruptivnog ponašanja;
- Provedba Zakona o zaštiti lica koja prijavljuju korupciju u institucijama BiH;
- Digitalizacija antikorupcije;
- Međunarodna i regionalna saradnja u oblasti borbe protiv korupcije;
- Saradnja sa organizacijama civilnog društva posebno u domenu provedbi preporuka iz Izvršnog sažetka o implementaciji Konvencije Ujedinjenih naroda protiv korupcije u BiH;
- Ispunjavanje dijela obveza iz 14 ključnih preporuka iz Mišljenja Evropske komisije, a koje se odnose na djelokrug Agencije.
- Koordinacija aktivnosti u vezi sa kreiranjem i iniciranjem procesa donošenja novih Smjernica za izradu planova za borbu protiv korupcije.

## **b) Sektor za prevenciju korupcije**

Sektor za prevenciju korupcije će i u 2021. godini svoj rad usmjeriti na aktivnosti vezane za pružanje pomoći pri izradi planova integriteta u javnim institucijama na svim nivoima upravljanja u BiH, te u javnim preduzećima i privatnom sektoru, njihovoj provedbi i inoviranju mehanizama za praćenje implementacije mjera predviđenih planovima integriteta i načina izvještavanja kroz digitalizaciju procesa izrade planova integriteta i izvještavanja o njihovom provođenju (razvojem i puštanjem u rad CRA aplikacije). Praćenje implementacije mjera predviđenih planovima integriteta biće omogućeno kroz CRA aplikaciju.

Fokus Sektora za prevenciju korupcije će biti i na praćenju efekata primjene zakona i podzakonskih akata iz oblasti prevencije korupcije, te davanje mišljenja i instrukcija o pitanju njihove primjene, iniciranje aktivnosti u vezi sa izmjenama i dopunama postojećih zakonskih rješenja i njihovo usklađivanje, te davanje mišljenja na nacрте zakona u skladu sa Jedinstvenim pravilima za izradu pravnih propisa u institucijama BiH.

Planirana je saradnja sa domaćim naučnim i stručnim organizacijama, medijima i organizacijama civilnog društva po pitanju prevencije korupcije, razvoj edukativnih programa u vezi sa prevencijom korupcije i borbe protiv korupcije, nadzor nad njihovim provođenjem. Po pitanju prevencije korupcije Sektor će razvijati dobre odnose sa međunarodnim, regionalnim i drugim organizacijama koje u svom mandatu imaju prevenciju korupcije.

Također, će se baviti prikupljanjem i analizom statističkih podataka iz oblasti prevencije korupcije. Sektor za prevenciju korupcije planira i aktivnosti vezano za podizanje javne svijesti o štetnosti korupcije.

S tim u vezi, Sektor za prevenciju korupcije će raditi na sljedećim aktivnostima:

- Unapređenje zakonodavnog okvira za borbu protiv korupcije u BiH;
- Razvijanje kulture integriteta i etičnosti u institucijama sa javnim ovlaštenjima u BiH;
- Saradnja između privrednih komora i tijela za sprečavanje korupcije u BiH te uspostava i promocija mehanizama za prevenciju korupcije u odnosima javno-privatnog sektora;
- Unapređenje saradnje antikorupcijskih tijela i institucija sa organizacijama civilnog društva, medijima i akademskom zajednicom;
- Prikupljanje podataka, analitička obrada i redovno izvještavanje međunarodnih i regionalnih organizacija;
- Jačanje etike i integriteta djece i omladine kroz saradnju sa tijelima za sprečavanje korupcije, ministarstvima obrazovanja i organizacijama civilnog društva te promocija dobrih praksi;
- Prikupljanje i analiza statističkih podataka iz oblasti borbe protiv korupcije.
- Prikupljanje informacija, analitička obrada, redovno izvještavanje i kontinuirano praćenje OECD i drugih međunarodnih organizacija.

### **c) Sektor za pravne, kadrovske, opće i finansijsko-materijalne poslove**

U 2021. godini, kroz efikasnije planiranje kratkoročnih ciljeva zaposlenih u Agenciji, želi se postići veća efikasnost, pravovremenost i kvalitet u poslovanju Agencije, kao i efikasnija kontrola i mogućnost poboljšanja i otklanjanja uočenih nedostataka na osnovu analize izvršenja postavljenih ciljeva. Posebna pažnja mora se posvetiti izgradnji i jačanju narušenih međuljudskih odnosa u Agenciji, s obzirom da postojeće stanje ozbiljno ugrožava normalno poslovanje i funkcionisanje Agencije.

Akcentat će biti na redovnim upravljačkim aktivnostima, protokolarnim poslovima i pripremi sjednica stručnog kolegija Agencije i drugih sastanaka, strateškom, operativnom i finansijskom planiranju. U skladu sa preporukama revizije, radiće se na otklanjanju uočenih grešaka i daljem jačanju saradnje sa internom i eksternom revizijom. Cilj je da se, u skladu sa svim definisanim programskim ciljevima, obezbijede odgovarajući preduslovi i pretpostavke za što efikasniji rad svih organizacionih jedinica u Agenciji.

Sektor za pravne, kadrovske, opšte i finansijsko-materijalne poslove preduzimaće aktivnosti na što svrsishodnijem korišćenju svih mogućnosti koje pruža uspostavljeni ISFU sistem, prije svega na jačanju interne kontrole trošenja budžetskih sredstava.

Takođe, preduzimaće se sljedeće aktivnosti:

- izrada prijedloga novog Pravilnika o unutrašnjoj organizaciji Agencije i preduzimanje mjera za njegovo usvajanje,
- vođenje aktivnosti na iznalaženju trajnog rješenja za odgovarajući i svrsishodan poslovni prostor, u skladu sa planiranim brojem izvršilaca u novoj sistematizaciji radnih mjesta, jer je to preduslov za zapošljavanje i smještaj novih izvršilaca,
- jačanje sistema javnih nabavki u skladu sa Zakonom o javnim nabavkama,
- čuvanje, održavanje i zadržavanje postojeće opreme, kao i vršenje redovnog godišnjeg popisa imovine i obaveza Agencije na dan 31.12.2021. godine,
- pravovremena i kvalitetna izrada Dokumenta okvirnog budžeta (DOB) i Srednjoročnog plana rada Agencije za period 2022-2024,
- definisanje zahtjeva za budžet 2022. godine, u skladu sa realnim potrebama Agencije,
- vođenje knjigovodstvene evidencije i blagajničkog poslovanja, obračun plata i naknada zaposlenih u Agenciji,
- jačanje sistema finansijskog upravljanja i kontrole (FUK), na način da svi zaposleni daju svoj doprinos u tom procesu,
- izrada plana edukacija svih zaposlenih, u skladu sa prethodno iskazanim pojedinačnim potrebama i usklađenim sa planom obuka Agencije za državnu službu BiH za 2022. godinu..

Redovno će se vršiti praćenje i procjena učinka, kao i izvještavanje o realizaciji planiranih projekata i aktivnosti. Uz pomoć i saradnju Kancelarije za reviziju institucija BiH i Jedinicom za internu reviziju Parlamentarne skupštine BiH planira se rješavanje i prevazilaženje svih uočenih slabosti i grešaka u poslovanju Agencije.

#### **d) Odjeljenje za sukob interesa / Ured Komisije za odlučivanje o sukobu interesa**

Ured Komisije za odlučivanje o sukobu interesa, čija je prevashodna i zakonom definirana uloga da obavlja stručne, administrativne i tehničke poslove iz nadležnosti Komisije će, u 2021. godini, obavljati poslove iz nadležnosti Komisije, a koje su usmjerene na provođenje Zakona o sukobu interesa u institucijama vlasti BiH, u skladu sa Planom provjera usvojenim na 2. sjednici Komisije održanoj 07.09.2020. godine .

#### **e) Odjeljenje za podršku**

Odjeljenje za podršku će tokom 2020. godine, u okviru svojih nadležnosti, pored stručne i profesionalne podršku rukovodstvu Agencije, pružiti podrške i ostalim organizacionim jedinicama Agencije u vezi sa obavljanjem poslova komunikacija i odnosa sa javnošću, pružanjem pomoći u vezi sa primjenom informacionih tehnologija i održavanjem informacionog sistema u Agenciji, postupanja po zahtjevima u skladu sa Zakonom o slobodi pristupa informacijama u BiH, ažuriranja i održavanja web stranice Agencije, pripremanja, objedinjavanja izvještaja o radu, programa rada, organizacije sjednica Stručnog kolegija.

Pored navedenog Odjeljenje za podršku će raditi na provođenju sljedećih aktivnosti:

- unapređenje transparentnosti u radu Agencije, posebno kada je riječ o dostupnosti sadržaja na web stranici, štampanju antikorupcijskih promo materijala za građane i planiranju/ provođenju antikorupcijske kampanje,
- komunikacijska funkcija Agencija baziraće se prije svega na proaktivnosti i transparentnosti, odnosno javnoj dostupnosti informacija, uz korištenje svih raspoloživih kanala i formate, kako bi brže stigle do ciljane javnosti,
- maksimalna iskorištenost mogućnosti savremenih informacijsko-komunikacijskih tehnologija kako bi se poboljšala komunikacija sa ključnim javnostima, institucijama i organizacijama, ali i interna komunikacija u Agenciji,
- unapređenje interne i institucionalne komunikacije kroz rad web redakcije kako bi sve organizacione jedinice, ali i Agencija u cijelosti, efikasno komunicirali sa relevantnim institucijama i organizacijama, nevladinim sektorom, medijima, drugim zainteresovanim javnostima i građanima općenito,
- Postupanje po Zakonu o slobodi pristupa informacijama u BiH, te blagovremeno informisanje javnosti putem web stranice Agencije o zahtjevima za pristup informacijama i odgovorima na zahtjeve,
- Provođenje projekta „ Izrada i provedba istraživanja zadovoljstva korisnika uslugama Agencije“.

### **3) PROGRAMSKI CILJEVI ZA 2021. GODINU**

U obavljanju zadataka iz svoje nadležnosti Agencija planira ostvariti sljedeće ciljeve u 2021. godini:

- a) Jačanje mehanizama koordinacije borbe protiv korupcije (uspostava efikasnog sistema izvještavanja i razmjene informacija, ustupanje i razmjena alata i najboljih praksi u oblasti sprječavanja korupcije i to između Agencije, tijela za sprječavanje korupcije u Bosni i Hercegovini i nadležnih institucija sa javnim ovlaštenjima na svim nivoima vlasti u BiH) i provođenje Strategije za borbu protiv korupcije i pratećeg Akcionog plana;
- b) Uspostava mehanizama za efikasno postupanje u vezi sa prijavama korupcije i zaštitom prijavitelja a što posebno uključuje razvoj, ustupanje i primjenu pisanih provedbenih procedura kao i digitalnih alata u ovoj oblasti
- c) Usvojiti digitalizirane planove integriteta u institucijama BiH, te provoditi nadzor nad implementacijom mjera predviđenih planovima integriteta u web aplikaciji CRA na osnovu rezultata evaluacije isteklih planova integriteta institucija BiH;
- d) Usklađivati zakonska rješenja i izradu analiza, izvještaja i pregleda iz nadležnosti Agencije u skladu sa Jedinstvenim pravilima za izradu pravnih propisa u institucijama Bosne i Hercegovine;
- e) Provoditi edukacije iz oblasti prevencije korupcije te jačati javnu svijesti o značaju prevencije korupcije;



- f) Jačanje kadrovskih i materijalno-tehničkih kapaciteta Agencije
- g) Provođenje aktivnosti iz Strategije za borbu protiv korupcije 2020-2024. i pratećeg akcionog plana
- h) Unapređenje transparentnosti web stranice Agencije
- i) Postupanje po zahtjevima u skladu sa Zakonom o slobodi pristupa informacijama
- j) Provođenje aktivnosti vezano za projekat „ Izrada i provedba istraživanja zadovoljstva korisnika uslugama Agencije“
- k) Ispunjavanje preporuka iz domena međunarodnih obaveza BiH iz oblasti borbe protiv korupcije
- l) Saradnja sa organizacijama civilnog društva u cilju provedbi zajedničkih aktivnosti vezanih za prevenciju korupcije
- m) Jačanje sistema strateškog upravljanja i administracije ( u cilju unapređenja i jačanja sistema strateškog planiranja u Agenciji i njegovog povezivanja s programskim budžetiranjem, kao ključne pretpostavke za uspješno upravljanje Agencijom)
- n) Provođenje aktivnosti vezano za budžet Agencije (izrada operativnog plana za 2021. godinu, izrada Dokumenta okvirnog budžeta i Srednjoročnog plana rada Agencije za period 2022-2024. godina, periodično i godišnje izvještavanje o realizaciji budžeta Agencije, priprema budžeta za 2022. godinu)

U tabelarnom pregledu koji slijedi, prikazane su konkretne aktivnosti za realizaciju svakog pojedinačnog cilja.

#### 4) TABELARNI PREGLED PROGRAMSKIH CILJEVA ZA 2021. GODINU

PROGRAMSKI CILJ	AKTIVNOSTI	ROK	INDIKATOR REALIZACIJE
Jačanje mehanizama koordinacije borbe protiv korupcije (uspostava efikasnog sistema izvještavanja i razmjene informacija, ustupanje i razmjena alata i najboljih praksi u oblasti sprječavanja korupcije i to između Agencije, tijela za	<i>Jačanje koordinacije među tijelima za sprečavanje korupcije u BiH i stručna podrška u procesima njihovog normativnog pozicioniranja i razvoja kapaciteta</i>	Kontinuirano 2021.	Broj održanih koordinacijskih i radnih sastanaka; Inicirano jasnije normativno pozicioniranje novoformiranih tijela u sistemu koordinacije borbe protiv korupcije na odgovarajućim nivoima vlasti u BiH, pružena stručna podrška razvoju njihovih kapaciteta  (Planirano kvartalno održavanje koordinacijskih sastanaka što podrazumijeva 4 sastanka na godišnjem nivou)  Broj profesionaliziranih struktura u BiH na godišnjoj osnovi
	<i>Kontinuirano educirati članove tijela za sprečavanje korupcije na osnovu harmoniziranih</i>	Kontinuirano 2021.	Edukacije provedene  Plan obuka urađen. Planirano

<p>sprječavanje korupcije u Bosni i Hercegovini i nadležnih institucija sa javnim ovlaštenjima na svim nivoima vlasti u BiH) i provođenje Strategije za borbu protiv korupcije i pratećeg Akcionog plana</p>	<p><i>planova i programa obuke</i></p>		<p>izvođenje tri tipske obuke za članove tijela za sprječavanje korupcije</p>
	<p><i>Pravovremena priprema u vezi sa efikasnom koordinacijom i implementacijom specifičnih mjera i aktivnosti iz nadležnosti Sektora i osiguranje efikasnog monitoringa i procjene provedbe Strategije za borbu protiv korupcije 2020-2024. i pratećeg Akcionog plana;</i></p>	<p>Prvi kvartal 2021.</p>	<p>Sačinjen i iskomuniciran plan provedbe Strategije (Operativne matrice provedbe dokumenta), inicirana provedba specifičnih mjera u skladu sa operativnim planom, osiguran monitoring provedbe mjera, periodični izvještaji se dostavljaju</p> <p>Planirana su tri koordinacijska sastanka u vezi sa osiguranjem efikasne provedbe Strategije za borbu protiv korupcije 2020-2024. i pratećeg Akcionog plana</p> <p>Normativno pozicioniranje u pogledu profesionalizacije tijela za prevenciju na svim razinama</p>
	<p><i>Koordinacija aktivnosti u vezi sa pripremom potpuno novih Smjernica za izradu planova za borbu protiv korupcije i iniciranje i kordinacija donošenja planova borbe protiv korupcije u institucijama BiH</i></p>	<p>Kontinuirano 2021.</p>	<p>Smjernice kreirane, iniciran proces donošenja planova borbe protiv korupcije na nivou institucija BiH</p> <p>Smjernice urađene i dostavljene nadležnim institucijama.</p>
	<p><i>Davanje mišljenja i instrukcija sa ciljem što efikasnijeg provođenja Strategije za borbu protiv korupcije 2020-2024. i pratećeg Akcionog plana;</i></p>	<p>Kontinuirano 2021</p>	<p>Instrukcija kreirana i dostavljena provodiocima, mišljenja se daju shodno procjenama APIK-a i rezultatima monitoringa provedbe Strategije i Akcionog plana</p>
<p>Uspostava mehanizama za efikasno postupanje u vezi sa prijavama korupcije i zaštitom prijavitelja a što posebno uključuje razvoj, ustupanje i primjenu pisanih provedbenih procedura kao i digitalnih alata u ovoj oblasti</p>	<p><i>Uspostava Baze podataka i stavljanje u funkciju prateće aplikacije za postupanje po podnescima sa indicijama koruptivnog ponašanja</i></p>	<p>Prvi kvartal 2021.</p>	<p>Aplikacija testirana, sačinjeno uputstvo o primjeni iste, iniciran proces njenog unificiranja sa ciljem primjene i instalacije kod tijela za sprječavanje korupcije na ostalim nivoima vlasti u BiH.</p>
	<p><i>Unificirati postojeće mehanizme za prijavljivanje korupcije u BiH i postupanje po podnescima sa indicijama koruptivnog ponašanja</i></p>	<p>Drugi kvartal 2021.</p>	<p>Provesti analizu provedbe Pravilnika o postupanju po podnescima sa indicijama koruptivnog ponašanja i eventualno unificirati isti te staviti na raspolaganje tijelima za sprječavanje korupcije u BiH uz stručnu podršku procesu njihovog usvajanja i primjene</p>

			Analiza Pravilnika urađena, predložene mjere i dostavljeno tijelima za sprečavanje korupcije u BiH.
	<i>Kontinuirano educirati i promovisati zaštitu lica koja prijavljuju korupciju u institucijama BiH</i>	Kontinuirano 2021.	Izvođenje edukacija u skladu sa planom obuka, razvoj i provedba promotivnih kampanja posvećenih promociji zaštite prijavitelja korupcije u institucijama BiH  Plan obuka urađen i u 2021 godini planirane su tri obuke.
<b>Usvojiti digitalizirane planove integriteta u institucijama BiH, te provoditi nadzor nad implementacijom mjera predviđenih planovima integriteta u web aplikaciji CRA na osnovu rezultata evaluacije isteklih planova integriteta institucija BiH;</b>	<i>Praćenje provedbe aktivnosti iz oblasti prevencije korupcije i planova integriteta u javnim preduzećima;</i>	Kontinuirano 2021	Broj dostavljenih izvještaja kroz CRA aplikaciju (20)
	<i>Puštanje u rad web platforme za online izradu planova integriteta u institucijama BiH, izrada priručnika za korištenje platforme.</i>	Prvi kvartal 2021.	Izrađena i funkcionalna web platforma, priručnik za korištenje platforme izrađen, te dostavljen institucijama u BiH.
	<i>Kontinuirano sprovođenje obuka koordinatora integriteta, kontakt osoba u svim javnim institucijama u BiH i članova timova za borbu protiv korupcije na svim nivoima vlasti vezano za praktičnu primjenu web platforme za izradu planova integriteta u svim institucijama u BiH</i>	kontinuirano 2021.	Obuke realizovane u skladu sa Planom obuka Sketora za prevenciju korupcije (2) <sup>1*</sup>
<b>Uskladivati zakonska rješenja i izradu analiza, izvještaja i pregleda iz nadležnosti Agencije u skladu sa Jedinistvenim pravilima za izradu pravnih propisa u institucijama Bosne i Hercegovine;</b>	<i>Davanje mišljenja na propise u skladu sa procedurama predviđenim u Jedinistvenim pravilima za izradu pravnih propisa u institucijama BiH</i>	kontinuirano 2021.	Mišljenja dostavljena prema broju zahtjeva.
	<i>Iniciranje izmjena i dopuna antikorupcijskih zakona s ciljem unaprjeđenja borbe protiv korupcije</i>	kontinuirano 2021.	Broj iniciranih izmjena i dopuna antikorupcijskih zakona. (5)
	<i>Prikupljanje i analiza statističkih podataka iz oblasti prevencije korupcije, te objavljivanje rezultata istraživanja iz oblasti prevencije korupcije</i>	kontinuirano 2021.	Izrađene analize.
<b>Jačanje kadrovskih i materijalno-</b>	<i>Saradnja s međunarodnim naučnim, stručnim i nevladinim</i>	kontinuirano 2021.	Brojčano prikazan broj sudjelovanje na seminarima,

<sup>1</sup> Plan obuka Sektora za prevenciju korupcije za 2021. godinu, planirano 11 obuka.

<b>tehničkih kapaciteta Agencije</b>	<i>organizacijama</i>		konferencijama, okruglim stolovima, obukama i drugim oblicima suradnje
	<i>Razvoj i jačanje kadrovskih kapaciteta Sektora za prevenciju korupcije,</i>	kontinuirano 2021.	Materijalno-tehnički kapaciteti obezbijeđeni sukladno mjeri 2.5.9. iz AP; Zapošljevanje novi huposlenika prema upražnjenim radnim mjestima u Sistematizaciji APIK-a
	<i>Usvajanje najboljih praksi iz oblasti edukacije mladih kroz studijske posjete antikorupcijskim institucijama u regiji i šire</i>	kontinuirano 2021.	Brojčano prikazane edukacije i onLine edukacija, broj studijskih posjeta u okviru aktivnosti, i primjena iskustava u prevenciji korupcije (2)
<b>Provođenje aktivnosti iz nove strategije za borbu protiv korupcije i pratećeg akcijskog plana</b>	<i>Provođenje aktivnosti predviđenih za naznačeni period iz nove strategije za borbu protiv korupcije i pratećeg akcijskog plana</i>	Prvi i drugi kvartal 2021.	Broj provedenih aktivnosti iz AP za prvu godinu po pitanju prevencije korupcije (41)
Provoditi edukacije iz oblasti prevencije korupcije te jačati javnu svijesti o značaju prevencije korupcije;	<i>Izrada i provođenje edukativnih programa iz oblasti prevencije korupcije u privatnom sektoru</i>	kontinuirano 2021.	Broj održanih obuka provedenih sukladno Planu obuka Sektora za prevenciju korupcije (2)*
	<i>Provedba programa etike i integriteta u osnovnom obrazovnom sektoru u BiH sa ciljem jačanja moralnih vrijednosti društva</i>	Četvrti kvartal 2021.	Programi etike i integriteta u osnovnom obrazovnom sektoru uvedeni i provode se u praksi.
	<i>Potpisati memorandum s BHT javnim emiterom iz oblasti prevencije korupcije u zdravstvu</i>	kontinuirano 2021.	Broj emitiranja programa iz oblasti prevencije korupcije na godišnjem nivou.
	<i>Raspisivanje i provođenje Javnog poziva za učešće učenika osnovnih i srednjih škola u BiH iz oblasti antikorupcijske edukacije</i>	Treći i četvrti kvartal 2021.	Ministarstva obrazovanja u BiH dobila obavijest i sprovedene aktivnosti iz natječaja (12) <sup>2</sup>
	<i>Kontinuirana saradnja sa organizacijama civilnog društva koje rade s mladim ljudima na promoviranju etike i integriteta u obrazovnim institucijama</i>	kontinuirano. 2021.	Realizirani zajednički projekti sa OCD u skladu sa mjerom iz 4.2.1 AP
	<i>Kontinuirano provođenje obuka državnih službenika u svim javnim institucijama u BiH iz oblasti prevencije korupcije</i>	kontinuirano 2021.	Provedene obuka u skladu sa Planom obuka za 2021. sektora za prevenciju korupcije (3)*
	<i>Kontinuirano provođenje obuka timova za borbu protiv</i>	kontinuirano 2021.	Provedene obuka u skladu sa Planom obuka za 2021. sektora za

<sup>2</sup> Obavijest poslana na adrese 12 ministarstva obrazovanja u BiH,

	<i>korupcije na svim nivoima vlasti iz oblasti prevencije korupcije</i>		prevenciju korupcije (2)*
	<i>Kontinuirano provođenje obuka za članove zakonodavnih tijela u BiH sa međunarodnim obavezama i antikorupcijskim standardima</i>	Kontinuirano 2021.	Provedene obuka u skladu sa Planom obuka za 2021. sektora za prevenciju korupcije (2)*
<b>Unapređenje transparentnosti web stranice Agencije</b>	<i>Redovno održavanje i unapređenje komunikacije, kao i saradnja i koordinacija u radu web redakcije s ciljem kvalitetnog uređenja web stranice Agencije</i>	Kontinuirano 2021.	Uspostavljena redovna komunikacija. Blagovremena i kvalitetna razmjena informacija i dostava podataka.
	<i>Dodatno unaprijeđen nivo transparentnosti web stranice Agencije</i>	Kontinuirano 2021.	Ispunjeni Standardi proaktivne transparentnosti, dokumenta ažurirana
<b>Postupanje po zahtjevima u skladu sa Zakonom o slobodi pristupa informacijam u BiH</b>	<i>Koordiniranje aktivnosti organizacionih jedinica prilikom pribavljanja i objedinjavanja odgovora na zahtjeve tražilaca informacija</i>	Kontinuirano 2021.	Blagovremeno pripremljeni i dostavljeni odgovori tražiocima informacija u skladu sa Zakonom o slobodi pristupa informacija u BiH
<b>Provođenje aktivnosti vezano za projekat „Izrada i provedba istraživanja zadovoljstva korisnika uslugama Agencije“</b>	<i>Provođenje istraživanja zadovoljstva korisnika uslugama Agencije u 2020. godini</i>	Prvi kvartal 2021	<i>Istraživanje provedeno sa PARKO-m i INFOHOUSE-om</i>
	<i>Objavlivanje izvještaja o provedenom istraživanju rezultata mjeranje zadovoljstva korisnika uslugama Agencije</i>	drugi i treći kvartal 2021	Izveštaj objavljen
<b>Ispunjavanje preporuka iz domena međunarodnih obaveza BiH iz oblasti borbe protiv korupcije ili</b>	<i>Kontinuirano pratiti i provoditi preporuke Evropske komisije i međunarodnih organizacija i institucija za borbu protiv korupcije</i>	Kontinuirano 2021.	Kontinuirano je vršeno praćenje i ispunjavanje dijela obaveza vezano za 14 ključnih prioriteta iz Mišljenja Evropske komisije za BiH i Izvještaja o napretku BiH.
	<i>Redovno praćenje primjene međunarodnih propisa i ugovora i povratno informisanje međunarodnih aktera o njihovoj provedbi (UNCAC/GRECO/OECD)</i>	Kontinuirano 2021.	Povratno informisanje međunarodnih aktera o provedbi međunarodnih propisa i ugovora kao što je Upitnik OECD i SIGMA, te izvještavanje Konferencije država članica Konvencije UN-a protiv korupcije o postignutim rezultatima u izvještajnom periodu.

	<i>Redovno informisanje nadležnih tijela i institucija u BiH o obavezama koje proizlaze iz međunarodnih pravnih instrumenata</i>	Kontinuirano 2021.	Redovno su informisana nadležna tijela i institucija u BiH o obavezama koje proizilaze iz preporuka Izvršnog sažetka UNCAC-a u BiH, poglavlje II - Preventivne mjere. Pisani izvještaji o informacijama dostavljeni su nadležnim institucijama a iz djelokruga međunarodnih organizacija
	<i>Koordinacija aktivnosti, saradnja i učestvovanje Agencije u projektima, aktivnostima i događajima u kontekstu ostvarivanja međunarodne i regionalne saradnje (EPAC/EACN)</i>	Kontinuirano 2021.	Koordinirane su aktivnosti, saradnja i učešće Agencije sa EPAC/EACN mrežom. Agencija je redovno učestvovala u istraživanjima koje provodi EPAC/EACN mreža, a u cilju razmjene dobre prakse među članicama mreže.
	<i>Prikupljanje informacija, analitička obrada i redovno izvještavanje međunarodnih organizacija i institucija o napretku u kontekstu evropskih integracija (Odbora za stabilizaciju i pridruživanje EU i BiH, Pododbora za pravdu, slobodu i sigurnost sa EU, izvještaji o napretku BiH, itd.) itd.)</i>	Zadnji kvartal 2021.	Prikupljene su informacije, analitička obrađene i redovno izvještavanje međunarodnih organizacija i institucija o napretku u kontekstu evropskih integracija
	<i>Inicijativa za potpisivanje memoranduma o saradnji (MoU) kao i provedba istih, te aktivnosti u okviru MoU između Agencije i međunarodnih organizacija/ projekata/inicijativa (BAK, GIZ, USAID-VSTV,...)</i>	Kontinuirano 2021.	U toku je potpisivanje MoU sa Antikorupcijskom agencijom Republike Bugarske i Države Palestine. Provedene su aktivnosti u okviru memoranduma o saradnji između Agencije i međunarodnih organizacija/ projekata/ inicijativa
<b>Saradnja sa organizacijama civilnog društva u cilju provedbi zajedničkih aktivnosti vezanih za prevenciju korupcije</b>	<i>Osigurati stručnu podršku Savjetodavnom timu za reviziju i koordinaciju implementacije UN Konvencije za borbu protiv korupcije u Bosni i Hercegovini</i>	Kontinuirano 2021.	Savjetodavni tim uspostavljen, osigurana podrška u radu Tima kao i koordinacija zajedničkih aktivnosti javnog i nevladinog sektora u antikorupcijskim naporima. Osmišljene i provedene promotivne aktivnosti usmjerene na značaj provedbi odredbi UN Konvencije za borbu protiv korupcije u BiH.
	<i>Planirati i provoditi antikorupcijske projekte usmjerenih na borbu protiv korupcij, s ciljem rješavanja identificiranih problema ili zagovaračkih inicijativa usmjerenih ka višim razinama</i>	Kontinuirano 2021	Zajednički projekti osmišljeni i isti se provode, informacije o njima dostupne su javnosti

	<i>vlasti. koje će tijela za sprječavanje korupcije i institucije sa antikorupcijskim nadležnostima zajednički provoditi sa OCD.</i>		
	<i>Osmišljavati i provoditi antikorupcijske projekte koje će tijela za sprječavanje korupcije i institucija sa antikorupcijskim nadležnostima zajednički provoditi sa OCD</i>	Kontinuirano 2021	Zajednički projekti se osmišljavaju i provode i informacije o njima dostupne su javnosti u skladu sa memorandumima o saradnji u skladu sa mjerama AP 4.3.4. i 4.3.1.
	<i>Unaprjeđenje suradnje antikorupcijskih tijela i institucija sa organizacijama civilnog društva, medijima i akademskom zajednicom</i>	Kontinuirano 2021	Zajednički projekti se osmišljavaju i provode i informacije o njima dostupne su javnosti u skladu sa memorandumima o saradnji u skladu sa mjerom iz Akcionog plana 4.3.4. i 4.3.1.
	<i>Provoditi antikorupcijske projekte tijela za sprječavanje korupcije u BiH i institucija sa antikorupcijskim nadležnostima sa akademskom zajednicom, medijima i OCD.</i>	Kontinuirano 2021	Zajednički projekti se osmišljavaju i provode, informacije o njima dostupne su javnosti.
	<i>Izrađene ujednačene Smjernice za suradnju sa akademskom zajednicom, medijima i OCD u definiranju politika za učinkovitu borbu protiv korupcije u BiH</i>	Kontinuirano 2021	Smjernice urađene kroz realizaciju zajedničkih aktivnosti u smislu definiranja politika za učinkovitu borbu protiv korupcije
	<i>Razmjenjivati međunarodna iskustva i prakse sa OCD, udruženjima novinara, medijima i akademskom zajednicom u cilju unapređenja borbe protiv korupcije.</i>	Kontinuirano 2021	Održani tematski sastanci, razmijenjene dobre prakse prevencije korupcije.
<b>Jačanje sistema strateškog upravljanja i administracije</b>	<i>Redovne upravljačke aktivnosti, strateško, operativno i finansijsko planiranje</i>	-po pozivu direktora (kolegij) -u skladu sa instrukcijama MFT BIH (planovi)	Broj održanih redovnih sjednica kolegija u odnosu na 2020. godinu, Postotak realizacije godišnjih finansijskih i operativnih planova
	<i>Izrada mjesečnih izvještaja o radu zaposlenih</i>	-do 5. u mjesecu za prethodni mjesec	Mjesečni izvještaji urađeni i dostavljeni rukovodstvu Agencije
	<i>Suradnja sa Kancelarijom za reviziju institucija BiH i Jedinicom za internu reviziju PS BiH</i>	-po najavi revizije i u skladu sa zadatim rokovima (eksterna revizija) -prema planu Jedinice za internu reviziju	Broj preporuka i sugestija revizije u odnosu na broj u istom prethodnom periodu; Postotak realizovanih preporuka i sugestija za protekli period
	<i>Izrada godišnjeg izvještaja o finansijskom upravljanju i kontroli (GI-İK) za 2020. godinu</i>	-do 15. februara 2021. godine	Procent učešća zaposlenih u izradi ovog izvještaja; postotak realizovanih aktivnosti koje utiču na smanjenje ili izbjegavanje

			registrovanih rizika u poslovnim aktivnostima
<b>Provođenje aktivnosti vezano za budžet Agencije</b>	<i>Izrada DOB-a i nacrtu Srednjoročnog plana Agencije za period 2022-2024, izrada zahtjeva za budžet 2022. godine, kao i donošenje Srednjoročnog plana Agencije</i>	-do 15.04.2021. (DOB) -do 01. 06.2021. (nacrt Sred. plana) -do roka datog u instrukciji MFT BiH (zahtjev) -do 30.09.2021. (donošenje Sred. Plana)	Odnos planiranih sredstava za 2022. godinu u DOB-u i odobrenom budžetu za 2022. godinu (pokazatelj realnog planiranja)
	<i>Izrada operativnog plana za 2021. godinu u skladu sa usvojenim budžetom</i>	-prema instrukciji MFT BiH	Postotak izvršivosti OP, tj, da li OP omogućio nesmetano i redovno odvijanje poslovnih aktivnosti i realizaciju stvorenih obaveza
	<i>Kvartalno, polugodišnje i godišnje izvještavanje o realizaciji budžeta Agencije za 2021. godinu</i>	-prema instrukciji MFT BiH	Postotak realizacije budžeta u odnosu na plan
	<i>Realizacija Plana nabavki za 2021. godinu</i>	-u skladu sa zadatim rokovima u Planu javnih nabavki	Broj realizovanih u odnosu na broj planiranih nabavki

**ZAMJENIK DIREKTORA**

**DIREKTOR**

\_\_\_\_\_  
dr.sc. Dragan Slipac

\_\_\_\_\_  
Hasim Šabotić

Istočno Sarajevo, \_\_\_\_\_ . godine  
Broj: 01-\_\_\_\_\_ / 20 .